

Na osnovu člana 16. stav 2. Zakona o Vladi Zeničko-dobojskog kantona-Prečišćen tekst („Službene novine Zeničko-dobojskog kantona“, broj: 7/10), i Programa utroška sredstava planiranih Budžetom Zeničko-dobojskog kantona za 2012. godinu u Ministarstvu za rad, socijalnu politiku i izbjeglice broj: 02-14-11958-1/12 od 23.05.2012.godine, na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona, na 71. sjednici, održanoj 17.07.2012. godine, d o n o s i

O D L U K U

o odobavanju sredstava za finansiranje realizacije projekta „Obnova stambenih objekata za povratnike na područje Zeničko-dobojskog kantona i raseljene osobe čije je prijeratno prebivalište bilo na području Zeničko–dobojskog kantona- 2012“

Član 1. (Predmet)

Odobravaju se sredstva u iznosu od 272.000,00 KM (slovima: dvijestotinesedamdesetdvije hiljade konvertibilnih maraka) za finansiranje realizacije projekta „Obnova stambenih objekata za povratnike na područje Zeničko-dobojskog kantona i raseljene osobe čije je prijeratno prebivalište bilo na području Zeničko–dobojskog kantona-2012“ a za koji je Vlada Zeničko-dobojskog kantona dala saglasnost za realizaciju Zaključkom broj: 02-36-14803/12 od 28.06.2012. godine.

Član 2. (Analitička konta)

Odobrena sredstva isplatit će se iz Budžeta Zeničko-dobojskog kantona za 2012. godinu („Službene novine Zeničko-dobojskog kantona“, broj: 5/12), razdjel 20-Ministarstvo za rad, socijalnu politiku i izbjeglice, budžetska organizacija 01, potrošačka jedinica 0001, ekonomski kod 614200, subanalitika KAD 202, pozicija budžeta «Sredstva za podsticaj povratka izbjeglih i raseljenih lica».

Član 3. (Realizacija Odluke)

(1) Projekat će se realizirati shodno Procedurama za izbor korisnika projekta „Obnova stambenih objekata za povratnike na područje Zeničko-dobojskog kantona i raseljene osobe čije je prijeratno prebivalište bilo na području Zeničko–dobojskog kantona-2012“.

(2) Postupak odabira najpovoljnijeg ponuđača za izradu projektne dokumentacije, revizije projekta i vršenje nadzora nad građenjem, te izbora najpovoljnijeg ponuđača za izgradnju/rekonstrukciju stambenih objekata odabranih korisnika provest će Općine Zeničko dobojskog kantona iz kojih se odaberu korisnici, a sve u skladu sa Zakonom o javnim nabavkama (Službeni glasnik Bosne i Hercegovine broj 49/04, 19/05,52/05; 92/05;8/06; 24/06;70/06;12/09 i 60/10).

(3) Ukoliko nakon završenih procedura odabira najpovoljnijeg ponuđača za izradu projektne dokumentacije, revizije projekta i vršenje nadzora nad građenjem, te izbora najpovoljnijeg ponuđača za izgradnju/rekonstrukciju stambenih objekata odabranih korisnika, iznos potrebnih sredstava premaši ukupan prosječni Projektom planirani iznos za projektovanje, nadzor i izgradnju/rekonstrukciju, Općina iz koje su odabrani korisnici, izmirit će preostali iznos sredstava.

Član 4.
(Uplata sredstava)

Nakon završenog postupka izbora najpovoljnijeg ponuđača za izradu projektne dokumentacije, revizije projekta i vršenje nadzora nad građenjem, te izbora najpovoljnijeg ponuđača za izgradnju/rekonstrukciju stambenih objekata odabranih korisnika, Ministarstvo će Općinama doznačiti sredstva potrebna za ispunjenje obaveza iz ugovora.

Član 5.
(Provođenje Odluke)

Za realizaciju ove Odluke zadužuju se Ministarstvo za rad, socijalnu politiku i izbjeglice, Ministarstvo finansija, i Općine Zeničko-dobojskog kantona svako u domenu svojih nadležnosti.

Član 6.
(Stupanje na snagu)

Odluka stupa na snagu danom donošenja, i biti će objavljena u „Službenim novinama Zeničko-dobojskog kantona“.

Broj: 02-_____/12.
Datum, 17.07.2012. godine
Z e n i c a

PREMIJER

mr.sci.Fikret Plevljak dipl.ing.

DOSTAVLJENO:

1x Ministarstvo za rad,
 socijalnu politiku i izbjeglice,
1x Ministarstvo finansija,
1x Sve općine Zeničko-dobojskog kantona (putem ministarstva),
1x „Službene novine Zeničko-dobojskog kantona“,
1x a/a.